



Broj: 15-03-16-5-7-75/20  
Datum: 30.6.2020. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17), člana 70. stav 1. Zakona o javnim nabavkama („Službeni glasnik BiH“, broj 39/14) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine donosi:

### **ODLUKU o izboru najpovoljnijeg ponuđača**

#### **Član 1.**

Najpovoljniji ponuđač u postupku javne nabavke usluga čišćenja kancelarijskog prostora u Regionalnom centru Bihać LOT 1 objavljenom na *web* portalu Agencije za javne nabavke Bosne i Hercegovine, broj Obavještenja o nabavci 1110-7-2-27-3-38/20 od 29.4.2020. godine, za koji je primijenjen postupak konkurentskog zahtjeva za dostavljanje ponuda, je „EURO-EMS“ d.o.o. Tešanj.

#### **Član 2.**

Poništava se Odluka o izboru najpovoljnijeg ponuđača broj 15-03-16-5-7-69/20 od 10.6.2020. godine na osnovu koje je ponuđač ATALIAN Global Services BH d.o.o. Sarajevo izabran kao najpovoljniji ponuđač u postupku javne nabavke usluga čišćenja kancelarijskog prostora u Regionalnom centru Bihać LOT 1.

#### **Član 3.**

Ova odluka se dostavlja ponuđačima u roku od tri (3) dana, a najkasnije u roku od sedam (7) dana od dana donošenja.

#### **Član 4.**

Ova odluka stupa na snagu danom donošenja.

### **O b r a z l o ž e n j e**

Nakon preduzetih aktivnosti, Komisija za provođenje postupka javne nabavke je konstatovala je da je rok za dostavljanje ponuda 26.5.2020 godine do 10:00 sati, te da su do navedenog roka na protokol Agencije za identifikaciona dokumenta, evidenciju i razmjenu podataka Bosne i Hercegovine (u daljem tekstu: Agencija) pristigle dvije (2) ponude i to ponuđača: „EURO-EMS“ d.o.o. Tešanj i ATALIAN Global Services BH d.o.o. Sarajevo. Neblagovremenih ponuda nije bilo.



Komisija je prema specifikaciji navedenoj u Tenderskoj dokumentaciji, a nakon provedenog postupka analize i ocjene ponuda, izradila Zapisnik o pregledu i ocjeni ponuda, u kojem su detaljno obrazloženi razlozi za izbor najpovoljnijeg ponuđača, te ocijenila da ponude ponuđača „EURO-EMS“ d.o.o. Tešanj i ATALIAN Global Services BH d.o.o. Sarajevo ispunjavaju sve zahtjeve u pogledu opisa predmeta nabavke i tehničkih specifikacija i obe su kvalifikovane i prihvatljive.

Analizom ponuda i primjenom kriterijuma najniže cijene nakon provedene e-aukcije, Komisija je predložila da se za najpovoljniju ponudu izabere ponuđač ATALIAN Global Services BH d.o.o. Sarajevo. U skladu sa prijedlogom Komisije, Agencija je dana 10.6.2020. godine donijela Odluku o izboru najpovoljnijeg ponuđača broj 15-03-16-5-7-69/20, te o istoj obavijestila ponuđače, pozivajući istovremeno najpovoljnijeg ponuđača ATALIAN Global Services BH d.o.o. Sarajevo da u roku od pet (5) dana dostavi dokumente kao dokaze o ispunjavanju uslova u vezi člana 45. Zakona o javnim nabavkama. Svojim dopisom od 18.6.2020. godine, broj 81-06/20, izabrani ponuđač ATALIAN Global Services BH d.o.o. Sarajevo je obavijestio Agenciju da odustaje od svoje ponude usluga čišćenja kancelarijskog prostora u Regionalnom centru Bihać LOT 1.

S obzirom da je ponuđač ATALIAN Global Services BH d.o.o. Sarajevo postupio u skladu sa tačkom c) stava 3. člana 72. Zakona o javnim nabavkama, odnosno u pisanom obliku odbio dodjelu ugovora, Agencija utvrđuje sljedeće:

U postupku javne nabavke usluga čišćenja kancelarijskog prostora u Regionalnom centru Bihać LOT 1 najpovoljnija je ponuda ponuđača „EURO-EMS“ d.o.o. Tešanj sa **ukupnom cijenom usluga u iznosu od 4.300,00 KM bez PDV-a, odnosno 5.031,00 KM sa PDV-om**, s obzirom da ista u ekonomskom i tehničkom smislu zadovoljava zahtjeve ugovornog organa.

Na osnovu svega navedenog, odlučeno je kao u dispozitivu ove odluke.

**Pouka o pravnom lijeku:** Protiv ove odluke pravo žalbe ima svaki privredni subjekat koji ima ili je imao interes za dodjelu ugovora o javnoj nabavci i koji učini vjerovatnim da je u konkretnom postupku javne nabavke bila ili je mogla biti prouzrokovana šteta zbog postupanja Agencije, a što se u žalbi navodi kao povreda zakona i podzakonskih akata od strane ugovornog organa u postupku javne nabavke. Žalba se izjavljuje u roku od pet (5) dana od dana prijema ove odluke. Žalilac izjavljuje žalbu Kancelariji za razmatranje žalbi Bosne i Hercegovine putem Agencije, u pisanoj formi direktno ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri (3).



DIREKTOR  
Dr. sc. Arif Nanić

Signed by: ANANIC  
дигитално потписано / digitalno potpisano / digitally signed



Босна и Херцеговина  
Агенција за идентификациона  
документа евиденцију  
и размјену података



Bosna i Hercegovina  
Agencija za identifikacijske/identifikacione  
isprave/dokumente, evidenciju  
i razmjenu podataka

Broj: 15-03-16-5-7-106/20  
Datum: 20.10.2020. godine

Na osnovu člana 61. Zakona o upravi („Službeni glasnik BiH“, br. 32/02, 102/09 i 72/17) i člana 19. Zakona o Agenciji za identifikaciona dokumenta, evidenciju i razmjenu podataka Bosne i Hercegovine („Službeni glasnik BiH“, broj 56/08), direktor Agencije za identifikaciona dokumenta, evidenciju i razmjenu podataka Bosne i Hercegovine daje

### ISPRAVKU ODLUKE o izboru najpovoljnijeg ponuđača

U Odluci o izboru najpovoljnijeg ponuđača u Odluci o izboru najpovoljnijeg ponuđača, broj 15-03-16-5-7-75/20 od 30.6.2020. godine, (u daljem tekstu: Odluka) vrši se ispravka, tako da se u petom pasusu obrazloženja Odluke brišu riječi **“odnosno 5.031,00 KM sa PDV-om,“**.

#### Образложење исправке:

Navedena ispravka se vrši zbog tehničke greške koja je nastala prilikom sačinjavanja obrazloženja Odluke, gdje je ukupna cijena, nakon provedene e-aukcije, navedena i sa PDV-om, a ponuđač nije PDV obveznik.

DIREKTOR  
Dr. sc. Arif Nanić

Signed by: ANANIC  
дигитално потписано / digitalno potpisano / digitally signed

